

# 日本漢文學百家集

王焱  
編

322



北京燕山出版社



王焱 主編

日本漢文學百家集  
322



北京燕山出版社



鳳陽遺稿







## 序

先師鳳陽神山先生。無所著作。先生嘗欲大有所述。而遭時勢之變遷。有感而終於緘默焉。頃日輯其詩及小品。得若干篇。皆不過一時遣興之作。雖然在余等門人。則其貴不啻

金玉。故上諸木以頌同人。惟恐亦非先生之

志耳。明治三十二年三月神鞭知常謹識

鳳陽遺稿

神山述古翁著

門人南神鞭知三編輯

五言絕句

富岳圖

乾坤定位初、鍾秀鬼神力、白玉插青天、表來君子國、

老將

百戰功初就、老來心未灰、有人問邊事、笑擲鬪饑杯、

聽劍

天時逢肅殺、鐵劍豈無情、銳利未曾試、無一作盤錯銛々匣裡

鳴

玉蘭

花中有隱倫、幽谷甘潛匿、臨風不吐香、或恐世人識、

佛手柑

白毫光未現、金色一拳黃、欲問拈花意、指頭皆是香、

黔谷晚鐘

雨餘鶯語滑、風外酒旗斜、隱々暮鐘響、夕陽猶在花、

題畫三首

鴉背落霞殘、塔尖斜日墜、華鯨聲不寒、花鎖春風寺、  
山隔行人絕、露飄棲鶴驚、仙寰知不遠、風送步虛聲、  
沙崩楊柳岸、人上渡頭舟、新漲高三尺、短篙不自由、

皆春亭小集次青村詩宗韻

睡足日如年、呼茶々更美、滿園翠欲流、人在簾波裡、

咏蟹

游鱗三舍避、公子兩螯揮、無腸吾豈信、江湖觀兵威、  
揮戈且貫甲、湖海儘橫行、無是衛公子、生來只好兵、

過駒井庸夫墓

九原呼不起、秋冷墓門旁、猶見舊標格、一枝菊傲霜、  
弔亡友松本圭堂墓

重義曾輕死、回天先著鞭、弔君還自弔、玉碎瓦猶全、

同諸友自大津抵彥根火輪船中作

輪船疾如矢、一道擘湖光、八景知何處、已過浮御堂、  
常怕素衣染、幾年滯洛城、江湖決歸計、鷗鷺欲尋盟、  
琵琶湖三萬頃、瀲灩曠晴暉、水天相接處、箇々白帆飛、  
吾將閣唸筆、一作苦險難寫太湖真、孰與不勞思、一作今日  
付他能畫人、

詩酒風流客，携來共一艚。醉吟皆放達，無復似離騷。  
風水渺無際，雲山總是奇。齋來山水冊，閑却不須披。  
抽波千百尺，一作突然恠石兀然躡，一作激波刪却南無字，  
倩誰題一言。

湖心最開豁，風送夕陽帆。一點波間碧，即知天女巖。  
閒臥柁樓上，只聞欸乃聲。颯々風吹夢，身魂徹底清。  
奔騰而激越，船脚蹴濤聲。鹿港三杯酒，未醒到彥城。

秋日田園雜詩

余有歸田之計，而未能決焉。頃想像田園之狀情，得  
小詩二十五首，以自遣無聊耳。時丁丑秋日也。  
可愛秋光澹，野花逐番香。牽牛逞意氣，引蔓過隣牆。  
瓜檳豆棚曉，峭涼風露清。芟鋤向何處，無地不蟲聲。

曾移彭澤菊、又種邵平瓜、門外往來客、呼爲隱士家、  
斷壺又收菽、一半了私逋、偶聽村翁話、近來官減租、  
南簷負暄坐、不覺睡魔催、癡女撲遊蝶、忽然破夢來、  
園林秋菓熟、看護幾昏晨、弓矢近來廢、野禽輕草人、  
家釀漸將熟、茅簷燕去初、正知秋社近、村落賣枯魚、  
闔鄉喧笑語、社鼓響如雷、何必禁群飲、一年醉幾回、  
林鴉啄殘菓、塲圃夕陽微、去飲社公酒、一村人未歸、  
近來私鬪少、鄉黨自和平、傲弟與驕子、都盧應募兵、  
黃柑寄詩衲、朱柿贈牛醫、唯剩芋魁在、煨來療夜飢、  
輸市或耕野、其勞誰不知、昨宵復生饋、何忍付屠兒、  
村長學都樣、沐猴似着冠、不唯山犬吠、兒女相呼譖、  
路一  
女作  
兒一

山園秋欲老、自起補籬笆、除却寄奴草、扶來隱逸花、  
山邊霜信早、佳色滿東籬、昨夜城中客、寄來乞菊詩、  
期已迫收穫、家人皆在田、霜晴風日暖、一犬護門眠、  
一家沒丁字、誰誦勸農篇、穉子背絢索、欲充上學錢、  
神佛或天主、紛然說教場、媪翁爲底聽、歸路夜茫茫、  
栽茗都誅竹、移桑將廢禾、不知十年後、得喪果如何、  
客來話生計、到底不如農、租豁餘糧在、溪流確自舂、  
老覺秋寒早、已開梢拙爐、桑麻談到夜、對酌一胡蘆、  
秋風吹破笠、秋雨濕輕蓑、一路溪村暮、深泥牛跡多、  
蘆菔稍生子、蹲鴟已有孫、山厨禦冬計、可欠一青樽、  
朝培而夕溉、聊贊化兒功、肉食多才子、甘爲學圃翁、  
不知天下大、百畝是吾任、多事臥龍子、好爲梁父吟、

名花十二客

梅花

莫言高士臥、奚復美人來、天地清英氣、凝成一樹梅、

牡丹

風意弄濃香、露華凝豔色、底知情有無、一笑欲傾國、

芍藥

紅芍兩三枝、娉婷絕世姿、風情老如水、笑和鄭人詩、

酴醾

看到此花開、年々與春別、晚來風不寒、吹落枝々雪、

瑞香

雪後荒園底、驚看錦作堆、占來一陽力、壓倒百花魁、

薔薇

薔薇花滿架、錦障又何加、曉夢恍然覺、自疑宿石家、

桂花

山閣桂花開、清香散碧空、月明鵲飛去、人睡廣寒宮、

荷花

愛此花君子、溫乎玉有香、憑誰寄相思、宛在水中央、

茉莉

香色真雙美、唯梅可比清、堪寒與堪熱、何必有輸贏、

蘭花

曾甘在幽谷、不願向瑤臺、雨露天恩遍、瘦花隨分開、

菊花

黃菊傲霜節、依然性見真、柴桑翁去後、知己屬何人、

丁香